

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Ekonomi eta Lurralde Garapena Sustatzeko Saila**

**Bizkaiko Foru Aldundiaren 4/2018 FORU DEKRETUA, urtarrilaren 16koa. Honen bidez, Ekintzailtzako eta Gizarte-berrikuntzako Programaren oinarri arautzaileak eta deialdia onesten dira, 2018. urterako.**

Bizkaiko Foru Aldundiko Ekonomi eta Lurralde Garapena Sustatzeko Sailaren xedea Bizkaian aberastasuna eta kalitatezko enplegua sortzen laguntzea da, Bizkaiko enpresen artean lehiakortasun iraunkorra eta nazioartekotzea sustatuz eta, aldi berean, gure lurraldearen garapen orekatua erraztuz. Estrategia integral bat jarri da martxan horretarako, bost jarduketara ardatz hauetan oinarritua: kanporako proiektzioa; ekintzailtza; industria eta lehiakortasuna; talentua, eta lurraldeen arteko oreka.

Egungo enpresen lehiakortasuna eta enpresa berrien sustapena funtsezko osagaiak dira Bizkaiko ekonomiak egun dituen erronkei aurre egin ahal izateko, batez ere lana sortzeari eta lanari eusteari begiratzen badiegu.

Garrantzizko industria-ehun bati eutsiz, hazkundera oinarritutako ekonomiarantz bideratutako eraldaketa sakon bat izan du Bizkaiko ekonomiak azken hamarkadetan, sektore finkoa du zerbitzu aurreratuetan, eta, aldi berean, apustua egin du goraka doazen etorkizun oparoko sektoreetan dibertsifikatutako ekonomia baten alde.

Bizkaian enpleguaren sorrera eta industria- eta enpresa-sarea sustatzeko xedearekin -eta, beraz, aurrerapen ekonomiko eta soziala aldi berean lortzeko xedearekin- Bizkaiko Foru Aldundiak laguntza ematen die lurralde horretan garatzen diren eta helburu horiek dituzten programei.

Ekonomi eta Lurralde Garapena Sustatzeko Sailak, Gizarte Ekintza Sailarekin batera, enpresa berriak eta, batez ere, izaera soziala eta berritzaile dutenak sustatzeko duen konpromisoa funtsezkoa da Bizkaian aberastasuna, enplegua eta gizarte kohesioa sortzeko, eta konpromiso hori argi azaltzen da Ekintzailtzako eta Gizarte-berrikuntzako Programa honetan. Horri esker, ehun sozial eta ekonomiko dinamiko, berritzaile eta iraunkor bat izango dugu, Bizkaiko Lurralde Historikoaren garapena eta hazkunde orekatua ahalbidetuko dituena.

Ekonomi eta Lurralde Garapena Sustatzeko Sailak abiarazi du Ekintzailtzako eta Gizarte-berrikuntzako Programa, zertarako eta Sailak enpresa berriak sustatzeko duen konpromisoa garatzeko, betiere horiek tresna giltzarri direnez Bizkaiko aberastasun eta enplegua bermatze aldera. Hori egin du Gizarte Ekintza Sailarekin batera, eta indartu nahi dituzte gizarte-enpresa edo -entitateek eskaintzen dituzten abaguneak, zergatik eta horiek garrantzitsuak baitira XXI. gizaldiko gizartearen eta ekonomiaren erronkak konpontzeko; ekimen hau Europa 2020 Estrategiaren ildotik dator; izan ere, estrategia hau lehenetsuneko ekintzaren bultzagarria da, helburu hau duelarik: gizarte-berrikuntzaren «hazkunde buruargi, iraunkor eta integratzailea»ren helburuak lortzea.

Bizkaiko Foru Aldundiko Ekonomi eta Lurralde Garapena Sustatzeko Sailak eta Gizarte Ekintza Sailak bat egiten dute Europako Batzordearen baieztapen honekin: merkatu bakarrak hazkunde inklusibo berri bat behar du, pertsona guztiek enplegua izan dezaten bideratua. Era horretan erantzuna emango zaio herritarrak gero eta gehiago eskatzen ari direnari: haien lanak, kontsumoak, aurrezkiak eta inbertsioek eragin eta zentzu etikoagoak eta sozialagoak izan ditzaten.

Hori dela eta, «lehiakortasun handiko merkatu-ekonomia soziala» garatzen laguntzeko, Bizkaiko Foru Aldundiak gizarte-berrikuntza txertatu du enpresa berriak sustatzeko bere ekimenen barruan.

Hori dela eta, Ekonomi eta Lurralde Garapena Sustatzeko Sailak Bizkaian ekonomia sozial berritzailea sustatzeko programa zehatz bat garatu behar dela uste du, 2018ko



ekitaldian, Ekintzailtzako eta Gizarte-berrikuntzako programa, hain zuzen ere; programaren helburua da gizarte-ekonomia ekintzailea bultzatzea eta beren helburuarekin bat datozen baliabideak eta hazteko perspektibak dituzten gizarte-entitate berritzaileak eratzeko laguntzea.

Enpresa edo entitate berritzaileak sortzeko laguntza emateko jardueri dagokienez, Ekonomi eta Lurralde Garapena Sustatzeko Sailak egindako ahalegina indartu egiten da Beaz, S.A.U., Seed Capital de Bizkaia, S.A., eta Seed Capital Bizkaia Mikro, S.A., sozietate publikoek sustatutako jardueri esker.

Aurrerapen ekonomikoa eta soziala lortzeko, Bizkaiko Foru Aldundiak ezinbestekotzat jotzen du emakume eta gizonen benetako berdintasuna lortzeko aurrerapausoak ematea, eta, bide horretan, hainbat urte daramatza berdintasunaren arloan lanean. Bizkaiko Emakumeen eta Gizonen Arteko Berdintasunerako V. Foru Planean 2016-2019 eperako diseinatutako estrategiak eta jarduketak biltzen dira, arlo horretan sortzen diren erronkei erantzun ahal izateko. Beharrezkoa da lanean jarraitzea emakume eta gizonen arteko benetako berdintasuna lortzearen.

Gainera, Bizkaiko Foru Aldundiak Bizkaiko Emakumeen eta Gizonen Berdintasunerako Foru Planaren esparruan berdintasunerako politikak ezartzeko hartu duen konpromisoarekin bat, eta genero-ikuspegia Ekintzailtzako eta Gizarte-berrikuntzako programan sartzeko, foru dekretu honetan genero-ikuspegia jasotzen da, bai hura prestatzeko orduan bai haren aplikazioan, Emakumeen eta Gizonen Berdintasunerako otsailaren 18ko 4/2005 Legean ezarritakoarekin bat. Gainera, kontuan hartu da Bizkaiko Foru Aldundiaren 2013ko azaroaren 19ko 141/2013 Foru Dekretuan xedatutakoa, zeinaren bidez finkatzen baitira generoaren eraginaren aurretiazko ebaluazioa egiteko jarraibideak, Emakumeen eta Gizonen Berdintasunerako 2005eko otsailaren 18ko 4/2005 Legean ezartzen den moduan. Eta, ildo horretan, «Generoaren eraginaren aurretiazko ebaluazioari buruzko txostena» gehitu da dekretu honen tramitazioan, 141/2013 Foru Dekretuaren 2. artikuluan aipatzen denarekin bat.

Halaber, Ekonomi eta Lurralde Garapena Sustatzeko Sailak bere helburuak zehaztu zituen, eta horien arteko bat da, hain zuzen ere, sailaren laguntza eta diru-laguntzetarako zeharkako bihurtzea generoaren ikuspegia, sailak funtsezko tresnatzat jotzen baitu zeharkakotasun hori, gizarteari ezagutarazteko zein den berdintasunak duen garrantzia.

Izapidetzean printzipio hauekin bat jarduten da: beharrezkotasuna eta eraginkortasuna, proportzionaltasuna, segurtasun juridikoa, gardentasuna, lastertasuna eta efizientzia, eta kontuak ematea. Izan ere, hala ezartzen du Bizkaiko Foru Aldundiaren urtarrilaren 17ko 2/2017 Foru Dekretuak —haren bidez, Bizkaiko Foru Aldundian xedapen orokorrak egiteko prozedura arautzen da— 3. artikuluan.

Arlo 1ean jasotako diru-laguntzak Europako Gizarte Funtzaren bidez ere finantzatu ahal izan dira, EGIF 2014-2020 Euskadi programa operatiboaren esparruan, eta haien xedea da enpleguaren garapenean laguntzea, enplegarritasuna, enpresa-espirtua eta moldagarritasuna, aukera-berdintasuna eta giza baliabideetako inbertsioa lagunduta.

Hori dela bide, ekonomi eta lurralde garapena sustatzeko foru diputatuak proposatuta eta Bizkaiko Foru Aldundiko Gobernu Kontseiluak 2018ko urtarrilaren 16ko bileran eztabaidatu eta onetsi ondoren, honako hau

XEDATU DUT:

I. TITULUA

## **XEDEA ETA ENTITATE ONURADUNAK**

### **1. artikulua.— Xedea**

Foru-dekretu honen xedea da 2018. urteko Ekintzailtzako eta Gizarte-berrikuntza Programaren barruan jasotako diru-laguntzen oinarri arautzaileak eta lehen deialdia onestea. Laguntza horiek ekonomia sozial berritzailea sustatzeko dira.



Programa horrekin, helburu hauek lortu nahi dira:

1. Gizarte arloan ekintzailtza eta enpresa-espirtua sustatzen eragin positiboa duten jarduerak egitea.
2. Gizarte-enpresa edo gizarte-entitate berritzaileen sorrera sustatzea. Honako hauek jotzen dira halakotzat: batetik, ondasunak ekoizteko edo zerbitzua emateko moduan gizarte-helburu bat, gizarteratzearen eta integrazio profesionalaren arlokoa, lortu nahi duten entitateak, eta horretarako jardunbide berritzaileak erabiltzen dituztenak; bestetik, gizarte-ekintzaren arloan zerbitzuak emateaz gainera zerbitzuok modu berritzailean ematen dituzten entitateak.
3. Sustatzaileei erraztea gizarte-enpresa edo gizarte-entitate berritzaile berria abiarazteko informazioa eta laguntzak; horretarako, enpresa bat abiarazteko diru-laguntzei buruzko informazioa eta behar diren laguntza eta aholkua emango zaizkie.
4. Arlo sozial eta ekonomikoaren eragileekiko lankidetzaren sustatzea; izan ere, eragile dira ideia berriak eta gizarte-enpresa edo gizarte-entitate berritzaile berri bihurtzeko proiektuak sortzeko.

Helburu horiek lortzeko, Bizkaiko Foru Aldundiak Ekonomi eta Lurralde Garapena Sustatzeko sailari atxikitako Beaz, S.A.U., foru sozietate publikoaren lankidetzaren izango du.

Ekintzailtza edo Gizarte-berrikuntza 2018ko Programa bi jardueraren arlo hauen bitartez gauzatuko da:

- 1. arloa: Gizarte-proiektu berritzaileak garatzea.
- 2. arloa: Gizarte-enpresa edo gizarte-entitate berritzaile berriak.

## **2. artikulua. – Entitate onuradunak**

Honako hauek izan daitezke Dekretu honetan araututako diru-laguntzen onuradunak:

1. 1. arloan:
  - a) Gizarte-enpresa edo gizarte-entitate berritzaile berria sustatzen duen edozein enpresa edo entitate.
  - b) EJZn alta emandako dataren arabera, 2016ko urtarrilaren 1a baino lehen jardunean hasi ez diren gizarte-enpresa edo gizarte-entitate berritzaile berriak. Entitate horiek merkataritza-sozietate, kooperatiba edo irabazi asmorik gabeko entitate gisa eratu egotea.
2. 2. arloan:

Eskabidea aurkeztean honako betekizunak betetzen dituzten gizarte-enpresa edo gizarte-entitate berritzaile berriak:

  - a) Legez eratu egotea, merkataritzako sozietate moduan, kooperatiba edo irabazi asmorik gabeko entitate moduan.
  - b) 2016ko urtarrilaren 1az gero EJZn alta emanda izatea lehen aldiz.
  - c) Gutxienez lanaldi osoko bi lanpostu edukitzea .

Kontratutako pertsonen gain, plantillakotzat joko dira enpresaren jarduerari atxikita dauden baina euren izaeratik Gizarte Segurantzaren Araubide Orokorrean alta emanda egon ezin duten langile autonomoak.

Horrenbestez, langile bat enpresaren jarduerari atxikitako langile autonomotzat jotzeko, enpresa horren nomina izan beharko du edo autonomoen ordainagiria enpresak ordaindu beharko dio.

  - d) Aurretik onuraduna ez izatea Ekintzailtza edo gizarte-berrikuntzako programaren 2. arloan.
3. Horrez gainera, 1. arloko zein 2. arloko entitate onuradunek honako baldintza hauek bete beharko dituzte:
  - e) Sozietatearen helbidea eta zerga-helbidea eta ekoizpen-zentro Bizkaiko Lurralde Historikoan izatea.



Entitate onuraduna izateko enplegu-baldintza bete behar denean, aipatutako ekoizpen-zentroa langileren bat izan beharko du.

f) Zerga betebeharrak, Gizarte Segurantzarekikoak eta diru-laguntzak itzultzearen ondoriozkoak eguneratuta edukitzea.

g) Sexuaren ziozko bereizkeria dela-eta zigor edo administrazioaren arloan inoiz zehapenik jaso ez izana.

h) Foru administrazioak ematen dituen diru-laguntzei buruzko maiatzaren 31ko 5/2005 Foru Arauaren 12. artikulua ezarritako ezein egoeratan sartuta ez egotea.

Arlo bietan baldintza guztiak bete behar dira eskabidea aurkezten den unean, ordainketak egiten diren unea arte mantendu, eta maiatzaren 31ko 5/2005 Foru Arauko 12. artikuluan ezarritakoaren arabera kasu bakoitzerako zehazten diren inguruabarrak gertatzen direnean ere eutsiko zaie (arau horrek Foru Administrazioak ematen dituen diru-laguntzen araubide juridiko orokorra arautzen du).

4. Dekretu honen ondorioetarako enpresa berritzaile edo gizarte entitate berritzailetzat joko dira:

Ondasunak eta/edo zerbitzuak ekoizteko enpresa-jarduera jarraitua garatzen dutenak, gizarte arazo edo beharizan bati irtenbide berritzailea eskaintzen badiote eta irtenbide hori egun daudenak baino eraginkorragoa, iraunkorragoa edo zuzenagoa bada, eta sortutako balioa gizarte osoarentzat onurgarria bada.

Enpresa edo entitate horiek gizarte-helburuak bilatzen dituzte; horretarako, beren ekoizpen-moduak eta antolaketa-moduak edo jabetza-araubideak izan behar dute, parte hartzea bultzatu eta gizarte-justiziara bideratuta egon.

Zehatzago, baldintza hauek betetzen dituzten gizarte-enpresa edo gizarte-entitate berritzaile berriak joko dira halakotzat:

a) Sozietatearen helburuak gutxienez ere ezaugarri hauetako bati erantzutea, eskritura edo estatutuetan ezarritakoaren arabera:

- 1) Baztertuta edo baztertuta egoteko arriskuan dauden edo laneratzeko zailtasunak dituzten kolektiboei enplegua ematea.
- 2) Konpondu gabeko gizarte behar edo premiei erantzuten dieten ondasun edo/eta zerbitzuak garatzea eta gizarte- edo ingurumen-balioa sortzea.
- 3) Baliabide ekonomiko urriak dituzten pertsonen ondasun edo zerbitzuak eskuragarri jartzea.
- 4) Ekonomi eta Lurralde Garapena Sustatzeko Sustatzeko Sailaren eta Gizarte Ekintza sailaren ustez gizarte-eragin positibo handia dute beste helburu batzuk.

b) Funtzionamenduan ekitatea eta gardentasuna txertatzea, praktika hauek bidez:

1) Gehienezko soldata-arkua: 1:4.

2) Gutxienez ere mozkinaren %51 erabiltzea entitatearen erreserbak elikatzeko.

c) Egoera egonkorrean, enpresa horien negozio-ereduak behar ez izatea diru-laguntzen ondoriozko sarrerak urteko negozioaren bolumenaren %30 baino handiagoa izatea.

d) Gizarte-enpresa edo entitate berritzaile berriek hauek bete behar dituzte:

1) 1. arlorako: 4.a) paragrafoan ezarritakoa.

2) 2. arlorako: 4.a), 4.b) eta 4.c) paragrafoetan ezarritakoa.

5. Ez dira onuradunak izango:

a) Pertsona fisikoak edo enpresaburu indibidualak zuzenbide publikoko entitateak, ondasun erkidegoak eta sozietate zibilak.

b) Inola ere ez dira kontuan hartuko sozietatearen helburu zerbitzu hauek ematea dutenak: kontsultoretza, aholkularitza, gestoria, auditoria edo antzekoak.

**II. TITULUA  
JARDUTEKO ARLOAK****I. KAPITULUA****1. ARLOA: GIZARTE-PROIEKTU BERRITZAILEAK GARATZEA****3. artikulua. — Xedeak eta laguntzak**

1. arlo horren bitartez, helburu hauek lortu nahi dira:

- Gizarte-enpresa edo gizarte-entitate berritzaileen proiektu berriak martxan jar daitezela erraztea, proiektuok baldin badakarte halako entitateak Bizkaiko enpresa-ehunean garatzea eta sendotzea.
- Lankidetzaren areagotzea Bizkaian Gizarte-berrikuntzako enpresetan lan egiten duten eragileekin.

Gizarte-berrikuntzako proiektu berrien enpresa-planak garatzeko diru-laguntzak ematen dira arlo honetan.

Beaz, S.A.U., foru sozietate publikoak aholkuak emango dizkie lagundutako entitate sustatzaileei, enpresa-proiektuak aztertzen eta abian jartzen ari direnean. Besteak beste, honako alderdi hauei buruzko aholkuak emango dizkie:

- Enpresa-proiektuaren enpresa-plana egiteko laguntza.
- Teknologia transferitzeko; horretarako, elkarlan-hitzarmenak egingo dira zentro teknologikoekin eta unibertsitateekin.
- Proiektua abiarazteko beharrezkoa den finantziarioa bilatzeko laguntza.
- Pertsona sustatzaileek edo hautatutako proiektuen pertsona arduradunek izan ditzaketen trebakuntza-beharretarako.
- Proiektuaren arlo ezberdinetan entitate sustatzaileekin elkarlanean arituko diren profesionalak edo espezialista independenteak bilatzea eta hautatzeko.
- Sortutako enpresa berriak kokatzen laguntzeko.

**4. artikulua. — Diruz lagundu daitezkeen egiteak**

Enpresa berri edo gizarte entitate berritzaileentzako enpresa-plana garatu eta definitzea izango da.

**5. artikulua. — Diru-laguntza jaso dezaketen gastuak**

Honako hauek dira diru-laguntza jaso dezaketen gastuak: proiektu edo jardueraren izaerari eta garapen normalari erantzun dioten eta epearen barruan egindako beharrezko gastuak, betiere dekretu honetan ezarritako araudiarekin arabera behar bezala justifikatu badira.

1. Gastu hauek dira diruz lagun daitezkeenak, betiere enpresaren plana garatu eta zehazteko beharrezkotzat jotzen badira:

- a) Bideragarritasun- eta merkatu-azterlanak.
- b) Txosten eta azterketa tekniko zehatzak.
- c) Jabetza intelektuala edo industrialia babestea, erregistroak, ziurtagiriak eta homologazioak.
- d) Proiektu-pilotoa edo/eta prototipoak.
- e) Azoketara bidaiak egin eta haietan parte hartzea.
- f) Proiektua garatzeko kanpoko aholkularitza.
- g) Proiekturako jarritako langileen barruko gastuak.

Langile horiek deialdia ebaztu baino lehen kontratatuta egon behar dira.

h) Zeharkako gastuak. Diruz lagundu ahal izango da proiekturako jarritako langileen barruko gastuen %5eko zenbatekoa.



i) Bizkaiko Foru Aldundiaren Ekintzailtzako eta Gizarte Berrikuntzako programaren eragin soziala neurtzeko adierazleak prestatzeko datuen bilketak eragindako gastuak.

2. Beaz, S.A.U., sozietateak proposatuz gero, beste kontzeptu batzuk ere diruz lagundu ahal izango dira, baldin eta proiektua garatzeko beharrezkoak direla uste bada.

#### **6. artikulua. — Egiteko epea eta burutzeko betekizunak**

1. Aurreko artikuluan zehaztutako diruz lagun daitezkeen gastuak 2017ko urtarrilaren 1a eta 2019ko abenduaren 31a bitartean garatu eta ordaindu beharko dira.

Beaz, S.A.U., entitate laguntzaileak erabakiko du, kasuan-kasuan, hark antolaturiko, proiektua garatzeko beren-beregi diseinaturiko prestakuntza-lantegietan parte hartzearen egokitasuna.

2. Enpresa-plana garatu ostean, gizarte-enpresa edo gizarte-entitate berria eratu eta abiarazteko, enpresa horrek honako baldintza hauek bete beharko ditu:

a) Sozietatearen helbidea, zerga-helbidea eta ekoizpen-zentro bat Bizkaiko Lurralde Historikoan izatea.

b) Merkataritzako sozietate, kooperatiba edo irabazteko asmorik gabeko entitate moduan eratzea. Ez dira onartuko ondasun-erkidegoak edo sozietate zibilak.

3. Enpresa berria edo gizarte-entitate berritzailea sustatzen duen entitateak enpresa berriaren kapital sozialean parte hartu behar du, edo bestela, irabazi asmorik gabeko beste entitate batzuen kasuan, entitate horren kidea izan behar da.

#### **7. artikulua. — Diru-laguntzaren zenbatekoa**

Balorazio-irizpideak ezarri ondoren lortutako puntuazioaren arabera ezarriko da diru-laguntzaren gehieneko zenbatekoa:

Balorazio-irizpideak ezarri ondoren lortutako puntuazioa	Diru-laguntzaren gehieneko portzentajea (%)	Diru-laguntzaren gehieneko zenbatekoa (€)
50 eta 59 puntu bitartean	80	20.000
60 eta 69 puntu bitartean	80	30.000
70 eta 79 puntu bitartean	100	40.000
80 puntu edo gehiago	100	50.000

Proiekturako jarritako langileen barruko gastuak gehienez 10.000 euroko diru-laguntza izango du.

Diru-laguntzaren zenbatekoa beherazko unitate hurbilenera biribilduko da.

Jarduera noiz egiten den kontuan hartu gabe, elkarren ondoko aurrekontu-ekitaldi bi edo gehiagoren kontura adjudikatu daitezke diru-laguntzak.

#### **8. artikulua. — Ebaluatzeko irizpideak**

1. Ekonomi eta Lurralde Garapena Sustatzeko Saileko bi kidek, Gizarte Ekintza Sailak izendatu beharreko hiruk eta Beaz S.A.U., beste batek osatutako ebaluazio-batzordeak aukeratuko ditu deialdi bakoitzean laguntza jasoko duten proiektuak.

2. Enpresek aurkeztutako eskabideen balorazioa honako irizpide hauen arabera egingo da:

a) *Proiektuaren garapen maila (0-10 puntu bitartean):*

Proiektuaren garapen maila eta jarritako baliabide tekniko eta giza baliabideen egoitzapena baloratuko dira.





b) *Proiektuaren berrikuntza maila eta berrikuntza horren jatorria (0-20 puntu bitartean):*

Faktore hauek baloratuko dira: berrikuntzaren maila eta berrikuntza horren jatorria, lehiarako abantaila eta babes maila; eta koherentzia talde sustatzailearen lanbide-ibilbidearekin edo enpresaren estrategiarekin.

c) *Proiektuaren taldea (0-20 puntu bitartean):*

Taldearen lidergoa eta kohesioa, arriskuak eta konpromisoak hartzea, arlo teknikoko zein kudeaketa arloko gaitasuna, eta proiektuari lotuta aurretik izandako esperientzia baloratuko dira.

d) *Inpaktua merkatuan eta gizarte-ingurunean (0-25 puntu bitartean):*

Proiektuak konpontzen duen gizarte-erronka edo haren gizarte-eragina baloratuko da. Hauek ere bai baloratuko dira: antolaketa-eredua, kolektibo behartsuen integrazioa eta laguntza publiko-pribatuekiko autonomia maila.

e) *Proiektuak duen eragina (0-25 puntu bitartean):*

Aurrez ikusten den fakturazio-bolumena, inbertsio bolumena eta enplegua, balizko merkatuaren banaketa geografikoa, eta beste eragileekin duen kolaborazio maila baloratuko dira.

f) *Proiektuaren beste ezaugarri batzuk (0-10 puntu bitartean):*

Proiektuko taldearen barruan gehienak emakumeak eta 30 urtetik beherako gazteak izatea baloratuko da, bai eta proiektuak garapen iraunkorrari egiten dion ekarpena ere.

3. Diruz lagundutako eskabideen gutxieneko kalitate bat bermatzeko, ondoko egoretako bat, gutxienez, betetzen duten eskabideak baztertu egingo dira:

a) 2.1 irizpidean 5 puntu baino gutxiagoko balorazioa.

b) 2.2 irizpidean 10 puntu baino gutxiagoko balorazioa.

c) 2.4 irizpidean 12,5 puntu baino gutxiagoko balorazioa.

d) Artikulu honetako 2. puntuan ezarritako irizpide guztien balorazioa egin ondoren, proiektuaren balorazio osoan 50 puntu baino gutxiago lortzea.

Irizpideren batean ezarrita baldin badago gutxieneko balorazio bat lortu behar dela, eta lortzen ez bada, horrek gainerako irizpideetan baloraziorik ez egitea ekarriko du.

### **9. artikulua. — Aurkeztu beharreko dokumentazioa**

1. Honako agiri hauek aurkeztu behar dira eskabidearekin batera:

a) Enpresa-proiektuari buruzko memoria.

b) Hartzekodunaren fitxa, Bizkaiko Foru Aldundian banku-helbideratzeari buruzko datuak ez badaude edo bertan dauden datuak aldatu nahi badira.

Proiektuaren memoria eta hartzekodunaren fitxa Ekonomia eta Lurralde Garapeneko Sailaren webgunean dauden ereduaren arabera aurkeztu behar dira ([www.bizkaia.eus/gaiak/ Enpresak eta nazioartekotzea/ Ekintzailletza/ Berrikuntza eta sorkuntza/ Ekintzailletza eta Gizarte-berrikuntza](http://www.bizkaia.eus/gaiak/Enpresak_eta_nazioartekotzea/Ekintzailletza/Berrikuntza_eta_sorkuntza/Ekintzailletza_eta_Gizarte-berrikuntza)).

c) Proiektu-taldearen lanbide-historia eta/edo entitatearen ibilbidea, hala badagokio.

d) Entitate eskatzailearen eraketari buruzko eskritura edo estatutuak, behar bezala erregistratuta, eta, hala badagokio, kapital-gehikuntzari buruzko eskriturak.

e) Proiekturako jarritako langileen barruko gastuak eskatu badira:

1) Gizarte Segurantzaren Araubide Orokorrean dauden pertsonen kasuan, azken langileen zerrenda (TC2).

2) Langile autonomoen kasuan, azken 2 nominak eta azken autonomoen ordainagiria.



2. Proiektua egiten ari den bitartean eta amaitzen denean aurkeztu beharreko dokumentazioa:

a) Tarteko eta amaierako justifikazioei dagokien jarduketan memoria, egindako jarduerak eta lortutako emaitzak azaltzen dituen, Ekonomi eta Lurralde Garapena Sustatzeko Sailaren web orrian dauden ereduaren arabera.

b) Hala denean, egin beharreko lanetarako eskaintzei buruzko dokumentazioa, 38. Artikuluan xedatutakoarekin bat.

c) Lagundutako jardueretako edozein egiteko kontratuak, behar bezala formalizatu-takoak, halakorik behar izanez gero.

d) Egindako bideragarritasunari eta merkatuari buruzko azterlanak eta egindako txostenak, hala badagokio.

e) Marketin-plana, halakorik egonez gero.

f) Proiekturako jarritako langileen barruko gastuak eskatu badira:

1) Gizarte Segurantzaren Araubide Orokorrean dauden pertsonen kasuan, justifikazioaren aldiko «langileen zerrenda» (TC2).

2) Langile autonomoen kasuan, azken 2 nominak eta justifikazioaren aldiko autonomoen ordainagiri guztiak.

3) Proiektuan aritzen diren langileek emandako ordu kopuruaren ziurtagiria, Ekonomi eta Lurralde Garapena Sustatzeko Sailaren web orrian dagoen ereduaren arabera.

g) Diru-laguntza jaso dezaketen gastuen fakturak eta dagozkion ordainketa-ziurtagiriak; faktura horiek legezko baldintzak bete behar dituzte, dokumentu bakar batean.

50 euro baino gutxiagoko fakturak, dokumentu bakar batean aurkeztu beharko dira, hornitzaileka sailkatuta.

Justifikaziorako fakturak bulego birtualaren bidez bidaltzen direnean, sistemak, automatikoki, diruz lagundutako jardueraren gastu-zerrenda sortuko du.

h) Erantzukizunpeko adierazpena, adierazten duena dekretu honen babesean egindako gastuak justifikatzeko fakturak ez direla aurkeztu Europar Batasuneko diru-laguntzen programetan.

i) Gizarte-berrikuntzako Programaren gizarte-eraginaren adierazle neurtzaileak, Ekonomi eta Lurralde Garapeneko departamentuko web orrian eskuragarri dagoen ereduaren arabera ([www.bizkaia.eus/](http://www.bizkaia.eus/) gaiak/ Enpresak eta nazioartekotzea/ Ekintzaitza/ Berrikuntza eta sorkuntza/ Ekintzaitza eta Gizarte-berrikuntza).

## II. KAPITULUA

### 2. ARLOA: GIZARTE-ENPRESA EDO GIZARTE-ENTITATE BERRITZAILE BERRIAK

#### 10. artikulua.— *Xedeak eta laguntzak*

2. arlo honen bitartez, gizarte-enpresa edo gizarte-entitate berritzaile berriak sortzea sustatu nahi da Bizkaian.

Honako hauek eskaintzen dira arlo honetan:

a) Gizarte-enpresa edo gizarte-entitate berritzaileak sortu eta abiarazteko diru-laguntzak.

b) Aholkularitza zerbitzua Beaz, S.A.U., foru sozietate publikoaren aldetik laguntza jasotzen duten gizarte-enpresa edo gizarte-entitate berritzaile berriei, alderdi hauetan besteak beste:

1) Proiektua abiarazteko beharrezkoa den finantziazioa bilatzea.

2) Proiektuaren arlo ezberdinetan gizarte-enpresa edo gizarte-entitate berritzaileekin elkarlanean arituko diren profesionalak edo espezialista independenteak bilatzea eta hautatzea.

c) Enpresa edo jarduera berri bat abiarazi eta martxan jartzeko bazkideak bilatzea, baldin eta gizarte-enpresa edo gizarte-entitate berritzaileek berriaz eskatzen badute.



**11. artikulua.— Diruz lagundu daitekeen egitatea**

Hau izan daiteke diru-laguntza jaso dezakeen egitatea:

- a) Gizarte-enpresa edo gizarte-entitate berritzaile berria eratzea.
- b) Gizarte-enpresa edo gizarte-entitate berritzailea martxan jarri eta abiaraztea.
- c) Bidaiak eta azoketan parte hartzea.
- d) Jabetza intelektual edo industrial babestea, erregistroak, ziurtagiriak eta homologazioak.
- e) Bizkaian negozio-lokal baten errentamendua.
- f) Marketin-plana.
- g) Negozioa garatzeko pertsona baten kontratazioa.

**12. artikulua.— Diru-laguntza jaso dezaketen gastuak eta diru-laguntzaren zenbatekoa**

Honako hauek dira diru-laguntza jaso dezaketen gastuak: proiektu edo jardueraren izaerari eta garapen normalari erantzun dioten eta epearen barruan egindako beharrezko gastuak, betiere dekretu honetan ezarritako araudiarekin arabera behar bezala justifikatu badira.

a) Eskudirutan ordaindutako kapital sozialaren edo ondare-ekarpenaren %50erainoko, eta gehieneko muga enpresako edo entitateko 15.000 euro izango da.

b) Enpresarako marketin-plan bat egiteko %60rainoko, eta gehieneko muga 10.000 euro izango da.

c) Kontzeptu hauek eragindako gastu hauetarako %60rainoko diru-laguntzak emango dira, eta gehieneko muga 25.000 eurokoa izango da:

- 1) Enpresa martxan jarri eta abiaraztearen gastuak, bidaiak eta azoketan parte hartzea. Diru-laguntzaren gehieneko zenbatekoa kontzeptu honengatik 15.000 euro-koa izango da.
- 2) Jabetza intelektualaren edo industrialaren babes-gastuak, erregistroenak, ziurtapenenak eta homologazioenak. Diru-laguntzaren gehieneko zenbatekoa kontzeptu honengatik 15.000 eurokoa izango da.

Jabetza intelektual edo industrial babesteko aholkularitza diruz lagunduko da, bai eta jabetza horiek erregistratzea ere; horretarako, enpresaren barruan garatutako produktuen babesa izan behar da, eta produktu horiek ezin dute lehendik bestelako finantzaziorik jaso, ez arlo honetan, ez eta diru-laguntzetarako beste programa batzuetan ere.

- 3) Bizkaian negozio-lokalaren errentamenduaren errenta; gehienez ere, 15.000 eurokoa izango da.

Diru-laguntza jaso ahal izateko, beharrezkoa izango da eskaera aurkezten den egunean errentamendu-kontratua formalizatuta egotea.

Gehienez negozio-lokalaren urte bateko errentamendua lagunduko da diruz.

Gastu hori ez da diruz lagunduko zuzenbide publiko edo pribatuko izakien bidez diruz laguntzen edo hobaritzen bada.

d) Bizkaiko Foru Aldundiaren Ekintzaitzako eta Gizarte Berrikuntzako Programaren eragin soziala neurtzeko adierazleak prestatzeko datuen bilketak eragindako gastuen %100a; gehienez ere, 2.500 eurokoa izango da.

e) Negozioa garatzeko pertsona baten kontratazio-gastuen %60raino eta gehieneko muga 25.000 euro izango da.

Negozioa garatzeko pertsona baten kontratazio-gastuak, baldin eta haren zeregina bada talde sustatzailearen gabeziak osatzea, enpresaren negozio-planaren abiaraztea bultzatzea eta salmentetarako zein merkaturatzeko sare bat egituratzea.

Enpresako teknikariak, administrariak edo komertzialak kontratatzea ez da halakotzat hartuko.



Pertsonak egiaztatu behar du aurretik baduela esperientzia enpresa berrian beteko dituen eginkizunetan, eta eskabidea aurkezten denean kontratatuta egon behar da.

Ordainsari gordinaren eta Gizarte Segurantzari enpresak egiten dion kuotaren batura joko da kontratazio-gastutzat.

Ez da diruz lagunduko gizarte-enpresa edo gizarte-entitate berritzaile berriko bazkideak kontratatzea.

Gehienez, negozioa garatzen duen pertsonaren kontratuaren urte bat lagunduko da diruz, betiere, 13. artikuluan ezarritako egiteko epearen barruan.

f) Diru-laguntzaren zenbatekoa beheranzko unitate hurbilenera biribilduko da.

g) Diru-laguntzaren gehieneko muga 2. arloan, gizarte-enpresako edo gizarte entitate berritzaileko 50.000 euro izango da.

### **13. artikulua.— Egiteko epea**

12. artikuluan ezarritako b), c.1) eta c.2) paragrafoetan aipatzen diren diru-laguntzen xedeko jarduerak 2017ko urtarrilaren 1a eta 2018ko ekainaren 15a bitartean egin behar dira. Fakturak eta dagozkion ordainketa-ziurtagiriak eskabidearekin batera aurkeztu behar dira.

Dekretuaren 12. artikuluko a), c.3), d) eta e) zerbakietan jasotakoaren arabera diruz lagunduko diren jarduerak 2017ko urtarrilaren 1etik 2018ko abenduaren 31ra arte egin behar dira; 1. zerbakiaren kasuan, eskabideak aurkezteko epea amaitzen denean erabakita egon behar da kapital-gehikuntza, eta kapitala 2018ko abenduaren 31n behar bezala ordainduta egon behar da; c3) eta e) zerbakien kasuan, berriz, jarduerak kontratatuta egon behar dira eskabideak aurkezteko epea amaitzen denean, eta justifikazio-fakturak 2018ko abenduaren 31n behar bezala ordainduta.

### **14. artikulua.— Ebaluatzeko irizpideak**

1. Ekonomi eta Lurralde Garapena Sustatzeko Saileko bi kidek, Gizarte Ekintza Sailak izendatu beharreko hiruk eta Beaz, S.A.U., sozietateko beste kide batek osatutako ebaluazio-batzordeak aukeratuko ditu deialdi bakoitzean laguntza jasoko duten proiektuak.

2. 2. arloa ebaluatzeko irizpideak 8. artikuluan ezarritakoak izango dira.

3. Diruz lagundutako eskabideen gutxieneko kalitate bat bermatzeko, ondoko egoretako bat, gutxienez, betetzen duten eskabideak baztertu egingo dira:

a) 2a) irizpidean 5 puntu baino gutxiagoko balorazioa.

b) 2b) irizpidean 10 puntu baino gutxiagoko balorazioa.

c) 2d) irizpidean 12,5 puntu baino gutxiagoko balorazioa.

d) 8. artikuluko 2. puntuaren ezarritako irizpide guztien balorazioa egin ondoren, proiektuaren balorazio osoan 50 puntu baino gutxiago lortzea.

Irizpideren batean ezarrita baldin badago gutxieneko balorazio bat lortu behar dela, eta lortzen ez bada, horrek gainerako irizpideetan baloraziorik ez egitea ekarriko du.

### **15. artikulua.— Aurkeztu beharreko dokumentazioa**

Honako agiri hauek aurkeztu behar dira eskabidearekin batera:

a) Proiektuaren memoria.

b) Hartzekodunaren fitxa, Bizkaiko Foru Aldundian banku-helbideratzeari buruzko datuak ez badaude edo bertan dauden datuak aldatu nahi badira.

Proiektuaren memoria eta hartzekodunaren fitxa Ekonomia eta Lurralde Garapeneko Sailaren webgunean dauden ereduaren arabera aurkeztu behar dira ([www.bizkaia.eus/gaiak/Enpresak eta nazioartekotzea/ Ekintzailletza/ Berrikuntza eta sorkuntza/ Ekintzailletza eta Gizarte-berrikuntza](http://www.bizkaia.eus/gaiak/Enpresak_eta_nazioartekotzea/Ekintzailletza/Berrikuntza_eta_sorkuntza/Ekintzailletza_eta_Gizarte-berrikuntza)).

c) Entitate eskatzailearen eraketari buruzko eskritura edo estatutuak, behar bezala erregistratuta, eta, hala badagokio, kapital-gehikuntzari buruzko eskriturak.



d) Eskabidea egiten denean sozietatearen kapitala edo ondare-ekarpena partez ordainduta badago edo aurrez ikusita badago sozietatearen kapitala gehitzea:

- 1) Administrazio kontseilua edo antzeko organoaren erabakia, hau jasotzen duena: ordaintzeko dagoen sozietatearen kapitala 2018ko abenduaren 31 baino lehenago eskudirutan ordaintzeko konpromisoa.
- 2) Administrazio kontseilua edo antzeko organoaren erabakia, hau jasotzen duena: sozietatearen kapitalaren gehikuntza 2018ko abenduaren 31 baino lehenago egiteko konpromisoa.

Ondoren, 2019ko urtarrilaren 31 baino lehen, ordaindu gabe zegoen kapitala ordaindu dela egiaztatzen duen dokumentazioa eta/edo kapital-gehikuntzaren eskriturak aurkeztu beharko dira.

e) Plantillako pertsona guztien azken nominaren kopia.

Nominarik ez duten langile autonomoei dagokienez, enpresak ordaindu duen autonomoen azken ordainagiria.

f) Erantzukizunpeko adierazpena, adierazten duena gizarte-enpresa edo entitate berritzaile sortu berriak 2. artikuluko 4.b.2) eta 4.c) paragrafoetan ezarritako baldintzak beteko dituela, egonkortasun ekonomikoa izanez gero.

g) Marketin-plana, halakorik egonez gero.

h) Errentamendu-kontratua, behar bezala beteta, hala badagokio.

i) Negozioa garatu behar duen pertsonaren kontratazioen kasuan:

1) Kontratua, nominak eta langileen zerrenda (TC2) agiria edo Gizarte Segurantzaren araubide orokorrean alta eman izanaren kopia.

2) Lan-bizitza.

3) Curriculum vitae.

4) Enpresa edo gizarte-entitate berritzaile berrian izango dituen eginkizunen deskribapen laburra.

Ondoren, eta 2019ko urtarrilaren 31 baino lehen, eskabidea aurkeztu ondorengo hila-beheetako nominak eta langileen zerrenda (TC2) aurkeztu beharko dira.

j) Diru-laguntza jaso dezaketen gastuen fakturak eta dagozkion ordainketa-ziurtagiriak; faktura horiek legezko baldintzak bete behar dituzte.

Negozio-lokala errentan hartzen denean, orduan, 2019ko urtarrilaren 31 baino lehen, alojeraren fakturak eta hauen ordainagiriak aurkeztu beharko dira, baldin eta agiriok aurkeztu ez badira eskabidearekin.

k) 50 euro baino gutxiagoko fakturak, dokumentu bakar batean aurkeztu beharko dira, hornitzaileka sailkatuta.

l) 2019ko urtarrilaren 31 baino lehen eman behar dira Gizarte-berrikuntzako Programaren gizarte-eraginaren adierazle neurtzaileak eta gastuaren justifikazioa, Ekonomi eta Lurralde Garapeneko departamentuko web orrian eskuragarri dagoen ereduaren arabera ([www.bizkaia.eus/gaiak/Enpresak eta nazioartekotzea/ Ekintzailletza/ Berrikuntza eta sorkuntza/ Ekintzailletza eta Gizarte-berrikuntza](http://www.bizkaia.eus/gaiak/Enpresak_eta_nazioartekotzea/Ekintzailletza/Berrikuntza_eta_sorkuntza/Ekintzailletza_eta_Gizarte-berrikuntza)).

### III. TITULUA

#### **DIRU-LAGUNTZA MOTA GUZTIETARAKO XEDAPEN OROKORRAK**

##### **16. artikulua. — Araubide juridikoa**

1. Honako hauek arautuko dituzte diru-laguntzak: dekretua bera, diru-laguntzak emateko foru aginduak, maiatzaren 31ko 5/2005 Foru Araua (haren bidez, foru administrazioak ematen dituen diru-laguntzen araubide juridiko orokorra ezarri da), diru-laguntzen araudia (Bizkaiko Foru Aldundiaren martxoaren 23ko 34/2010 Foru Dekretuaren bidez onartua), eta aplikatu beharreko estatuko zein erkidegoko araudia.



2. Bizkaiako Gardentasunari buruzko otsailaren 17ko 1/2016 Foru Araua erakunde pribatu hauei aplikatuko zaie: aurrekontu-ekitaldi baten zehar Bizkaiko Foru Aldundiaren 100.000 euro edo gehiagoko laguntzak edo diru-laguntzak jasotzen dituztenei edo urteko diru-sarreraren %40 Aldundiaren laguntzetatik edo diru-laguntzetatik jasotzen dutenei, betiere gutxienez 5.000 euro badira.

3. Datu pertsonalak babesteko abenduaren 13ko 15/1999 Lege Organikoan xedatutakoaren arabera, pertsona edo entitate interesdunak aurkeztutako datuak prozeduran edo jardueran aurrez ikusitako xedeetarako baino ez dira erabiliko.

Datu horiek inola ere ez dira erabiliko, ez beste bati lagako, baldin eta interesdunak argi eta garbi ados dagoela adierazten ez badu edo Datu Pertsonalen Babesari buruzko abenduaren 13ko 15/1999 Lege Organikoko 6.2. eta 11.2. artikuluetan ezarritako kasuetako bat gertatzen ez bada (1999ko abenduaren 14ko BOE, 298. zenbakia). 15/1999 Lege Organikoan xedatutakoaren arabera, datuak lagatzen dituenak noiznahi erabili ahal izango ditu datuak eskuratzeko, zuzentzeko, ezeztatzeko eta aurkaratzeko eskubideak, arazuz ezarritako eran.

4. Dekretu honetako arlo 1ean jasotako diru-laguntzak Europako Gizarte Funtsaren bidez ere finantzatu ahal izango dira, EGIF 2014-2020 Euskadi programa operatiboaren esparruan, eta haien xedea da enpleguaren garapenean laguntzea, enplegarritasuna, enpresa-espirtua eta moldagarritasuna, aukera-berdintasuna eta giza baliabideetako inbertsioa lagunduta.

Adjudikazioari buruzko foru aginduan kofinantzaketa horren berri emango zaie entitate onuradunei, Foru Administrazioak ematen dituen diru-laguntzei buruzko lege araubide orokorra arautzen duen maiatzaren 31ko 5/2005 Foru Arauaren 17.3 artikuluan xedatutakoaren kaltetan egin gabe.

Horregatik, bete beharrekoa da Europako Parlamentuaren eta Kontseiluaren 2013ko abenduaren 17ko 1303/2013 Araudian (2013ko abenduaren 20ko Europako Erkideen Egunkari Ofizialean argitaratu zen) xedatutakoa, bereziki, haren XII. eranskinean ezarritakoa. Eranskin horretan Europako kofinantzaketaren informazioari eta publikitateari buruzko baldintzak aipatzen dira.

5. Administrazio prozedurari dagokionez, foru-dekretu honetan ezarri ez den guztirako Administrazio Publikoen Administrazio Prozedura Erkidearen urriaren 1eko 39/2015 Legea aplikatuko da. Hala ezin bada, zuzenbide pribatuko arauak aplikatuko dira.

#### **17. artikulua.— Diru-laguntza jaso dezaketen gastuetarako irizpide orokorrak**

1. Honako hauek dira diru-laguntza jaso dezaketen gastuak: indarrean dagoen araudiaren arabera behar bezala justifikatu direnak, betiere epearen barruan egin badira, beharrezkoak badira eta proiektuaren edo jardueraren izaerari eta garapen normalari erantzuten badiete.

2. Diru-laguntza jaso dezaketen gastuen kostuak ez dira onartuko baldin eta merkatuan duten balioa baino handiagoak badira.

#### **18. artikulua.— Diru-laguntzarik jasoko ez duten gastuak**

Edonola ere, honako gastu hauek ez dute diru-laguntzarik jasoko:

a) Balio erantsiaren gaineko zerga (BEZ).

b) Diru-laguntzaren xedea den jarduerarekin argi eta garbi, okertzeko aukerarik gabe, identifikatu ezin diren gastuak edo/eta deialdi bakoitzerako ezarritako epearen barruan egiten ez direnak.

c) Eskatzailearen eta erakunde hornitzailearen artean lotura dagoen kasuetan gastuak ez dute diru-laguntzarik jasoko; salbu eta maiatzaren 31ko 5/2005 Foru Arauko 27.7.d) artikuluan gastu horiek diruz lagungarritzat jotzeko baldintzak betetzen direnean. Bada, ondorio horietarako, diru-laguntzen araudia onartzen duen Bizkaiko Foru Aldundiaren martxoaren 23ko 34/2010 Foru Dekretuaren 53.2 artikuluan ezarritako kasuetako bat gertatzen denean ulertuko da lotura dagoela.



- d) Barruko langile-gastuak, beste gasturen baterako diru-laguntzarik eskatu ez bada.
- e) Janari eta mantenu gastuak
- f) Lizentzia informatikoak eskuratzeko gastuak
- g) Enpresa berriko bazkideen kontratazioa.
- h) Patente, erabilgarritasun-eredu edo diseinuaren eskabideari beste pertsona fisiko edo juridiko batzuek egindako alegazioen edo aurkaratzeen aurreko defentsa legalen eta erantzunen gastuak.
- i) Jabetza industrialaren bulegoetan ordaindutako urtekoak.
- j) Foru-dekretu honetan diruz lagundu daitekeen gastutzat ezarritako baldintza guztiak betetzen ez dituzten gastuak.
- k) 1. arloari dagokionez, dekretu honen 6. artikuluan epeei buruz ezarritako baldintzak betetzen ez dituzten gastuak, eta 2. arloari dagokionez, 13. artikuluan ezarritakoak.

**19. artikulua. — Aurrekontuko muga**

Diru-laguntza jasotzeko aurkeztzen diren eskaeretatik, laguntzetarako ezarri den partidan izendatutako aurrekontuak uzten dituen beste eskaera baino ez dira hautatuko.

**20. artikulua. — Diru-laguntzak metatzea**

Foru dekretu honetan jasotako laguntzek edo diru-laguntzek Batzordearen 2013ko abenduaren 8ko 1407/2013 (EB) Araudian xedatutakoa bete beharko dute. Araudi hori 2013ko abenduaren 24ko Europako Erkidegoen Aldizkari Ofizialean argitaratu zen (352. zenbakian), eta Europar Batasunaren Funtzionamenduari buruzko Itunaren 107. eta 108. artikulua minimis laguntzei aplikatzeari buruzkoa da. Honen ondorioz, araudi hori ez betetzeak erantzukizun penala, zibila eta administratiboa ekar liezaioke arau-hausleari. Europako Batasunak ezarritakoaren arabera, edozein enpresari emandako de minimis laguntza, guztira, ez da 200.000 euro baino gehiagokoa izango hiru zerga-ekitalditan.

**21. artikulua. — Diru-laguntzen bateragarritasuna**

1. Dekretu honen babesean emandako laguntzak bateragarriak izango dira ondoko laguntzekin:
  - a) Ekonomi eta Lurralde Garapena Sustatzeko Saileko Enpresak Sustatzeko Zerbitzuaren gainerako laguntzak, antzeko gastuak direnean izan ezik.
  - b) SPRIren Ekintzaile programako laguntzak.
2. Dekretu honen babesean ematen diren laguntzak bateraezinak dira Ekonomi eta Lurralde Garapena Sustatzeko Sailak ematen dituen gainerako diru-laguntzekin.
3. Dekretu honen 1. arloaren itzalpean diru-laguntza jaso dezaketen gastuak bateraezinak dira Europar Batasunaren laguntzetarik edozeinekin, zergatik eta arlo horrek baduelako EGIF 2014-2020ren finantzaketa.
4. Dekretu honen babesean ematen diren laguntzak bateragarriak izango dira beste entitate publiko edo pribatu batzuek helburu bererako eman ditzaketen beste laguntza batzuekin. Hala ere, Diru-laguntzei buruzko Foru Arauko 18.3 artikuluan ezarritakoaren arabera, emandako diru-laguntzaren zenbatekoak ezin du inola ere gainditu lagundutako jardueraren kostua, ez berak bakarrik, ez beste diru-laguntza batzuekin batera.
5. Bizkaiko Foru Aldundiko Ekonomi eta Lurralde Garapena Sustatzeko Sailaren beste plan, programa edo jarduera-arlo batek diruz lagundutako gastuek ezin izango dituzte diru-laguntza hauek jaso.
6. Edozelan ere, diru-laguntza jasotzen duten entitateek nahitaez jakinarazi behar diote Ekonomi eta Lurralde Garapena Sustatzeko Sailari beste edozein laguntza jaso dutela, laguntza hori jaso duten data edozein delarik ere. Jakinarazpen hori maiatzaren 31ko 5/2005 Foru Arauaren 18.3 eta 4. artikuluetan aurrez ikusitakoa betetzeko egingo da, eta, horrela, aldatu egin ahalko da diru-laguntza emateko ebazpena, eta, hala bada, gokia, dirua itzultzeko prozedura abiarazi.



7. Ekonomi eta Lurralde Garapena Sustatzeko Saila harremanetan jarri ahal izango da beste finantzatzaileekin, kofinantzaketa-hitzarmen bat egin ahal izateko.

**22. artikulua.— Diru-laguntzen publizitatea**

Diru-laguntzak ematen diren urte naturala amaitu ondorengo lehen hiruhilekoa bukatu aurretik, ebazpenaren laburpen bat argitaratuko da Bizkaiko Aldizkari Ofizialean.

**23. artikulua.— Emandako diru-laguntzen zabalkundea**

Dekretu honen babesaren pean ematen diren laguntzen entitate onuradunek laguntza horien publizitatea egin beharko dute, maiatzaren 31ko 5/2005 Foru Arauaren 17.3 artikuluan adierazitakoaren arabera.

**24. artikulua.— Deslokalizazioa**

Enpresa eta entitate onuradunek enpresa-deslokalizaziorik ez egiteko konpromisoa hartzen dute. Enpresak deslokalizatzen direnean foru sektore publikoak laguntzak berreskuratzeari buruzko martxoaren 27ko 7/2007 Foru Arauak ezarritakoa joko da enpresa-deslokalizaziotzat.

**25. artikulua.— Entitate laguntzailea**

Ekonomi eta Lurralde Garapena Sustatzeko Sailak bere helburuak lortzeko berari atxikitako Beaz, S.A.U., foru sozietate publikoaren laguntza du. Sozietate horrek Ekin-tzaitzako eta Gizarte-berrikuntzako Programan esku hartuko du, entitate laguntzaile gisa, Bizkaiko Foru Aldundiarekin 2017an sinatutako lankidetzak-hitzarmenean ezarritakoaren arabera.

Beaz, S.A.U., entitate laguntzaileak Bizkaiko Foru Aldundiko Ekonomi eta Lurralde Garapena Sustatzeko Sailaren izenean eta kontura jardungo du; sail hori izango da, ondorio guztietarako, dekretu honetan ezarritako laguntzen emalea.

**IV. TITULUA****DIRU-LAGUNTZAK EMATEKO PROZEDURA****26. artikulua.— Eskabideak aurkeztea**

1. Eskabidea Internet bidez aurkeztuko da «Ekonomia eta Lurralde Garapeneko bulego birtuala» atalean (<http://www.bizkaia.net/Sustapena-BulegoBirtuala>).

2. Bulego birtualera sartzeko erak:

a) Txartela edo ziurtagiria, baina sinadura elektronikoa duena.

b) Bizkaibai txartela; txartel hori Ekonomi eta Lurralde Garapena Sustatzeko Sailaren (Orueta apezpikuaren kalea, 6, 48009-Bilbo) lor daiteke, aipatutako webgunean esandako moduan.

Hiru aukera horiek guztiek baimena ematen dute pertsona juridikoaren ordezkari legez eskabideak egiteko.

3. Eskabide-orrira jo aurretik, sistemak beharrezkoak diren datuak eskatuko ditu Ekonomi eta Lurralde Garapena Sustatzeko Sailaren entitate eta pertsonen Erregistroko (Esepe) inskripzioa egiteko (Bizkaiko Foru Aldundiaren ekainaren 14ko 109/2016 Foru Dekretuaren bidez arautu zen erregistro hori).

4. Eskabidea aurkeztean, eskatzaileak baimena ematen du informazioa lortu ahal izateko zein den haren zergekiko egoera, Gizarte Segurantzarekikoa, Lanbidekikoa edo dagokion lan zerbitzu publikoarekikoa zein beste edozein administrazio publikoarekikoa.

5. Eskabidarekin batera, arlo bakoitzerako ezarritako dokumentazioa aurkeztu behar da; horretarako, gorago aipatu den webgunean agiriak eransteko dagoen sistema erabili behar da.

6. Nolanahi ere, instrukzioaz arduratzen den organoak elkartu edo xehatu egin ahalko ditu elkarrekin zerkusia duten eskabideak, eta eskabide horiek ondo aztertu eta





ebalutzeko egoki ikusten dituen multzoak sortu. Horrez gainera, esku izango du diru-laguntzaren xedeko jarduerara ondoen egokitzen den egitate lagungarria zehazteko.

7. Eskabideak jaso ondoren, oso-osorik beteta ez badaude, entitate eskatzaileari errekerimendua egingo zaio hamar (10) eguneko epean (jakinarazpena egin, eta biharramunetik zenbatzen hasita) akatsa konpon dezan edo nahitaez aurkeztu beharreko dokumentuak aurkez ditzan; eta ohartaraziko zaio, horrela egiten ez badu, eskabidean atzera egindakotzat joko dela horretarako beren-beregi emaniko ebazpen baten bidez, Administrazio Publikoen Administrazio Prozedura Erkidearen urriaren 1eko 39/2015 Legeko 68. artikuluan xedatutakoaren arabera.

8. Eskabideak aurkezteko epea: 2018ko apirilaren 23tik 2018ko ekainaren 15era 13:30ak arte.

#### **27. artikulua. — *Emateko prozedura***

1. Jarduera-arlo bakoitzeko diru-laguntzak emateko prozedura norgehiagoka izango da, eta hautaketa prozedura bakar baten bidez egingo da. Hala ere, kasuan kasuko aurrekontu ekitaldian, deialdi bat baino gehiago onartu ahal izango da diru-laguntzen arlo bakoitzerako.

2. Xedapenak betetzeko, honako hau jotzen da norgehiagoka prozeduratzat: diru-laguntzak emateko, aurkeztu diren eskabideak konparatzea, jarduera-arlo bakoitzean aurretik ezarritako ebaluazio irizpideen arabera, lehentasun hurrenkera bat ezartzeko, eta puntu gehien jaso dutenei diru-laguntzak adjudikatzea erabilgarri dagoen kredituaren arabera.

#### **28. artikulua. — *Laguntzak emateko prozedura antolatu, instruitu eta ebartziko duten organo eskudunak***

1. Enpresak Sustatzeko Zerbitzuak izapidetuko ditu diru-laguntzetarako eskabideak, eta ekonomi eta lurralde garapena sustatzeko foru diputatuak ebartziko ditu, enpresak sustatzeko eta ekonomia garatzeko zuzendari nagusiak proposamena eginda.

2. Organo instrukziogileak egiaztatu egingo du enpresa edo entitate onuradun izateko arlo bakoitzean ezarritako baldintzak betetzen diren.

3. Ebaluazio Batzordea balorazioa egin ondoren, organo instrukziogileak ebazpen-proposamena igorriko dio Enpresak Sustatzeko eta Ekonomia Garatzeko Zuzendaritza Nagusiarri. Proposamen horrek diru-laguntzetarako eskabideen zerrenda jasoko du (onartuak izateko baldintzak betetzen dituztenen zerrenda, alegia); zerrenda hori lortutako puntuen arabera ordenatuta egongo da. Horrez gainera, ezesteko diren eskabideen zerrenda ere jasoko du; zerrenda horretan adieraziko da zergatik ezetsi diren eskabide horiek. Ebazpen-proposamen horrek ez die aldeko eskubiderik emango onuradun agertzen diren entitateei.

4. Enpresak Sustatzeko eta Ekonomia Garatzeko Zuzendaritza Nagusiak ebazpen-proposamena igorriko dio ekonomi eta lurralde garapena sustatzeko foru diputuari, hark emango baitu ebazpena dagokion foru aginduaren bidez.

5. Europako Gizarte Funtsari buruzko arautegiarekin bat etorrita, dekretu honetan aipatzen diren laguntzen adjudikazioak Europako Gizarte Funtsaren onuradunen zerrenda publiko batean (EGIF 2014-2020 eragilea Euskadi programa eragilea) sartzea dakar.

#### **29. artikulua. — *Gastuen doiketa***

Ekonomi eta Lurralde Garapena Sustatzeko Sailak uste badu gastu-aurrekontua gehiegizkoa dela izaera bereko gastuen batez besteko kostuarekin alderatuta, murriztu egin dezake diruz laguntzeko oinarria, bere ustez doia eta neurrikoa den gastuari dagokion zenbatekoan.

#### **30. artikulua. — *Ebazpena emateko epea***

1. Eskabideak ebazteko, gehienez ere sei (6) hilabeteko epea egongo da, eskabideak aurkezteko epea bukatzen den egunetik aurrera.



2. Organo eskudunak aurkeztu diren eskabide guztiei buruzko ebazpen adierazia eman behar badu ere, ebazpena eta jakinarazpena emateko epea iraungi eta ebazpen adierazia eman ez badu, ulertuko da eskabidea administrazio-isiltasunez ezetsi dela, Administrazio Publikoen Administrazio Prozedura Erkidearen urriaren 1eko 39/2015 Legeko 25. artikuluan xedatutakoaren arabera

### **31. artikulua.— Ebazpenaren edukia eta jakinarazpena**

1. Eman eta ukatu diren diru-laguntzen aipamenaz gain, ebazpenak zerrenda ordenatu bat jasoko du, honako eskabide hauek jasoko dituenen: dagokion deialdirako zegoen kredituaren gehieneko kopurua gainditu delako onartu ez direnak, nahiz eta entitate onuradun izateko Foru Dekretu honetan ezarritako baldintza administratiboak eta teknikoak betetzen dituzten. Horrekin batera, aurrez ikusitako ebaluazio irizpideen arabera eskabide horiek jaso duten puntuazioa ere adieraziko da.

2. Foru Dekretu honetan edo dagokion deialdiaren araudian xedatutakoa kasu bakoitzera egokitu eta aplikatzeko, komenigarritzat jotzen denean, diru-laguntza emateko ebazpenean baldintza bereziak ezarri ahalko dira, proiektuen izaera berezia edo gertatzen diren beste inguruabar batzuk direla-eta.

3. Ebazpena pertsona edo entitate interesdunei jakinaraziko zaie, Herri Administrazioen Araubide Juridikoaren eta Administrazio Publikoen Administrazio Prozedura Erkidearen urriaren 1eko 39/2015 Legearen 40 artikuluan eta hurrengoetan xedatutakoaren arabera.

### **32. artikulua.— Errekurtsoak**

1. Ebazpen honek amaiera ematen dio administrazio-bideari, eta haren aurka aukerako berraztertze errekurtsoa jar daiteke, ekonomi eta lurralde garapena sustatzeko foru diputatuari, hilabeteko epean, jakinarazpena jaso eta biharamunetik hasita, Administrazio Publikoen Administrazio Prozedura Erkidearen urriaren 1eko 39/2015 Legeak ezarritakoaren arabera.

2. Era berean, Administrazioarekiko auzi-errekurtsoa jarri ahalko da, Administrazioarekiko Auzietarako dagokion Epaitegian, bi (2) hilabeteko epean, jakinarazpena jaso eta biharamunetik hasita, Administrazioarekiko Auzien Jurisdikzioa arautzen duen uztailaren 13ko 29/1998 Legean ezarritako eran.

Ezingo dira errekurtso biak aldi berean jarri.

### **33. artikulua.— Diru-laguntzari uko egitea**

1. Onuradun gertatu den entitate batek diru-laguntzari uko egiten badio, diru-laguntza ematen duen organoak erabaki dezake zerrendan —lortutako puntuen arabera— hurrengo dauden pertsona edo entitate eskatzaileei diru-laguntza ematea, betiere behar besteko kreditua badago eskabide horiei erantzun ahal izateko.

2. Diru-laguntza ematen duen organoak aukera horren berri emango die entitate interesdunei, diru-laguntzaren proposamena onar dezaten, hamar (10) eguneko epean; epe hori ezin da luzatu. Behin pertsona edo entitate eskatzaileek proposamena onartu ondoren, administrazio-organoak diru-laguntza emateko egintza emango du, eta haren jakinarazpena egingo du.

### **34. artikulua.— Diru-laguntza ordaintzea**

1. Diru-laguntzak eman eta ordaindu aurretik, Ekonomi eta Lurralde Garapena Sustatzeko Sailak edo, hala badagokio, entitate laguntzaileak egiaztatu egingo dute gastua diru-laguntza jaso dezakeen egitatea ote den eta zenbatekoa diruz lagundutako egitate eta gastuei ondo doituta dagoen edo ez.

2. Diru-laguntzaren betebeharra aitortu eta hura ordaindu aurretik, entitate onuradunek zerga-betebeharrak eta, hala badagokio, Gizarte Segurantzarekikoak egunean dituztela egiaztatuko da. Egiaztapen horren ondorioz, ikusten bada entitate onuradunak ez dituela egunean zerga-betebeharrak eta Gizarte Segurantzarekikoak, foru-dekretu



honen 42. artikuluan eta hurrengoetan xedatzen den diru-laguntzak itzultzeko prozedura abiaraziko da.

3. Beaz, S.A.U., sozietatearen bitartez ordainduko dira onuradunari dagozkion 1. arloko diru-laguntzak. Ordainketak aurretiaz egingo dira.

Diru-laguntzak aurretiaz ordainduko dira, pertsona edo entitate onuradunei bermerik eskatu gabe.

4. Ekonomi eta Lurralde Garapena Sustatzeko Sailak zuzenean ordainduko dizkio entitate onuradunari dagozkion 2. arloko diru-laguntzak, emateko prozedura ebazpenaren ondoren.

5. Diru-laguntzaren azken justifikazioari dagokionez, emandako diru-laguntzak aurretiaz ordainduko dira, entitate onuradunei bermerik eskatu gabe.

## V. TITULUA

### DIRU-LAGUNTZAK KUDEATU ETA JUSTIFIKATZEA

#### **35. artikulua.— Entitate onuradunen beste betekizun batzuk**

1. Onuradunek Ekonomi eta Lurralde Garapena Sustatzeko Saileko Enpresak Sustatzeko Zerbitzuari jakinarazi behar dizkiote enpresan alderdi hauek direla-eta gertatzen diren aldaketa guztiak: akziodunen osaera, helbide soziala, enpresaren izena, eta abar.

2. Entitate onuradunek jasotako funtsen erabilerari buruzko frogagiriak gorde behar dituzte, agiri elektronikoak barne, egiaztapen eta kontroleko jardueren xede izan daitezke-eta.

3. Onuradunek bete behar dituzte, maiatzaren 31ko 5/2005 Foru Arauaren 41. artikulua dela bide, entitate onuradunei eta diru-laguntzaren xedeari lotutako hirugarrenei dagozkien finantza-kontroleko organoekin lankidetzan aritzeko dituzten betebeharrak.

#### **36. artikulua.— Informazio osagarria eskatzea**

Dena dela, Ekonomi eta Lurralde Garapena Sustatzeko Sailak eta Beaz, S.A.U., entitate laguntzaileak enpresa edo entitate eskatzaileari beharrezkotzat jotzen dituen agiri edota informazio osagarriak eskatu ahal izango dizkio, aurkeztutako eskabidea ondo ulertu eta ebaluatzeko eta beraren jarraipena egin ahal izateko; agiriak eskatzen diren unean zehaztutako epean eman beharko dira. Era berean, Ekonomi eta Lurralde Garapena Sustatzeko Sailak eta Beaz, S.A.U., entitate laguntzaileak entitate eskatzaileari bisitak eskatu ahal izango dizkio proiektua egin bitartean eta amaitu ondoren, jarraipen egokia egiteko.

Ekonomi eta Lurralde Garapena Sustatzeko Sailaren jardueraren eragina ebaluatzeko, Sail horrek eta Beaz, S.A.U. entitate laguntzaileak enpresari proiektuak iraun bitartean zein proiektu amaitu eta osteko bost (5) urteetan enpresaren bilakaera adierazten duten adierazle ekonomikoak eta enpleguari buruzko adierazleak nahiz proiektuak enpresan izandako eraginari buruzkoak aurkezteko eskatu ahal izango dio. Adierazle horiek aurkezteko epea, eskatzen zaizkion unean zehaztuko da.

#### **37. artikulua.— Azpikontratazioa**

1. Diruz laguntzen diren zerbitzu edo proiektuetako jardueren %100eraino azpikontratatu ahalko da, baldin eta maiatzaren 31ko 5/2005 Foru Arauaren 27. artikuluan ezarritako baldintzak eta debekuak errespetatzen badira.

2. Emakumeen eta Gizonen berdintasunerako 4/2005 Legean xedatutakoaren arabera, diru-laguntzaren xedea gauzatzeko agindua jasotzen duten entitateek honako hauek bete behar dituzte: lege horretan ezarritako printzipio orokorrak errespetatu behar dituzte entitateek, beren lanaren barruko estatistikak genero ikuspegiaren arabera egokitu beharko dituzte, ez dute hizkera sexistarik erabiliko eta emakumeen eta gizonen ordezkartza orekatua bermatu behar dute eratzen diren batzordeetan eta lan taldeetan.

3. Diru-laguntzaren xedeko jardueraren zati baten burutzapena beste batekin hartzatzen duenean, eta jarduera horrek diru-laguntzaren zenbatekoaren %20 gainditzen



duenean, eta, horrez gainera, azpikontratazioa 60.000 eurotik gorakoa denean, onuradunak azpikontratazio hori egiteko baimena eskatu beharko dio Bizkaiko Foru Aldundiari. Horretarako, azpikontratazioaren baldintza nagusiak jakinarazi beharko dizkio, bai eta jardueraren burutzapena zein entitateekin hitzartuko duen ere.

4. Enpresak sustatzeko eta ekonomia garatzeko zuzendari nagusiak ebazpen baten bidez ebatziko du eskabide hori, bi (2) hilabeteko epearen barruan. Epe hori amaitutakoan ebazpen adierazirik eman ez bada, eskabidea ezetsizat joko da.

### **38. artikulua.— *Gastua kontratazeko arauak***

Onuradunak obrak egiteko 40.000 euroko gastua baino handiagoa egin behar badu, edota ekipo-ondasunak hornitzeko edo aholkularitza-enpresek zein laguntza teknikoko enpresek zerbitzua emateko 15.000 euroko gastua baino handiagoa egin behar badu, zerbitzua emateko edo ondasuna emateko konpromisoa kontratatu aurretik, entitate horrek gutxienez hiru hornitzailearen eskaintzak eskatu izana justifikatu beharko du. Baldintza hori ez da bete beharrik izango diruz laguntzeko gastuen ezaugarri bereziak direla-eta merkatuan ondasuna hornitzeko edo zerbitzua emateko nahikoa entitate ez dagoenean, edota gastu hori diru-laguntza eskatu aurretik egin denean.

Emakumeen eta Gizonen berdintasunerako otsailaren 18 ko 4/2005 Legean xedatutakoaren arabera, kontratazen diren jardueretan, honako hauek bete behar dituzte: lege horretan ezarritako printzipio orokorrak errespetatu behar dituzte entitateek, beren lanaren barruko estatistikak genero ikuspegiaren arabera egokitu beharko dituzte, ez dute hizkera sexistarik erabiliko eta emakumeen eta gizonen ordezkartza orekatua bermatu behar dute eratan diren batzordeetan eta lan taldeetan.

### **39. artikulua.— *Ebazpena aldatzea***

1. Onuradunak Enpresak Sustatzeko Zerbitzuari jakinarazi behar dio diru-laguntza emateko orduan kontuan hartu den edozein alderdi objektibo edo subjektibok aldaketarik izan badu.

2. Diru-laguntza ematen duen organoak diru-laguntza emateari buruzko ebazpena alda dezake, bere kabuz, interesdunari entzun eta gero eta funtsak erabili aurretik, diru-laguntza emateko kontuan hartu diren baldintzak aldatzearen ondorioz lortu nahi zen interes publikoa lortzea oztopatu edo eragozten denean eta entitate onuradunari kalte ekonomikorik ekartzen ez dionean.

3. Onuradunek, diruz lagundutako jarduera egiteko epea amaitu baino lehen, Bizkaiko Foru Aldundiari eskatu ahal izango diote diruz lagundutako jardueraren ebazpenean aldaketa batzuk egin ahal izateko, hain zuzen, hauek: ezarritako epeak luzatzea, emandako zenbatekoa murriztea edo jarduera osatzen duten ekintzak aldatzea. Diru-laguntzen emaileak baimenduko ditu aldaketok ustekabeko arrazoietan edo jarduketaren xedearen onerako beharrezko arrazoietan oinarrituta daudenean eta betiere diru-laguntzaren xedea edo helburua aldatzen ez bada eta beste inoren eskubideen kalterako ez bada. Nolanahi ere, beren beregiko ebazpenaren bidez egin beharko da.

4. Diru-laguntzaren onuradunak aurkeztutako justifikazioan adierazten badu ebazpena aldatzea eragin zezaketen aldaketak egon direla diru-laguntza emateko orduan kontuan hartutako baldintzetan (eta ez bada egin aldaketak onartzeko aurretiazko administrazio-baimenaren izapidea), diru-laguntza eman duen organoak aurkeztutako justifikazioa onartu ahal du; hala ere, horrek ez du salbuesten entitate onuraduna maiatzaren 31ko 5/2005 Foru Arauaren arabera izan ditzakeen zehapenetatik.

5. 1. arloan, entitate onuraduna lehendik dagoen entitate bat izan daiteke, gizarte-enpresa edo gizarte entitate berritzaile berri bat sustatzen duena, eta burutzapen-epean zehar, gizarte-enpresa edo gizarte entitate berritzaile berria era daiteke. Halakoetan, erabat justifikatuta dago eratan den gizarte-enpresa edo gizarte entitate berritzaile berriari, diru-laguntza ematearen ondorioz, eskuratutako eskubide eta bete-beharren subrogazioa ahalbidetzea.



Subrogazio eskabidea eredu normalizatua jarraituz aurkeztu beharko zaio entitate emaileari, honek gertatzen diren inguruabarrak aztertu ondoren, subrogaziorako baime-nari buruzko ebazpena eman dezan.

Subrogazioa onetsi ondoren, ez da beharrazkoa izango diru-laguntzen norgehiago-kako araubideko emakidarako eskabideen lehentasuna berriro aztertzea.

Diru-laguntza justifikatzeko, entitate onuradunaren izeneko zein subrogatutako enti-tatearen izeneko fakturak onartuko dira.

Subrogatutako entitateak dekretu honetan ezarritako baldintzak bete beharko ditu, eta, ondorio guztietarako, erantzulea izango da administrazio publikoaren aurrean.

#### **40. artikulua.— Justifikazioa egiteko epea**

1. Honako hauek izango dira burututako gastuen dokumnetazioa eta dagozkien fakturak eta ordainketa-agiriak aurkezteko azken egunak:

- a) 1. arloa: 2020ko urtarrilaren 31.
- b) 2. arloa: 2018ko ekainaren 15a eta 2019ko urtarrilaren 31.

2. Justifikazioa ez bada ezarritako epean aurkezten, diru-laguntza itzultzeko eska-tuko da, eta maiatzaren 31ko 5/2005 Foru Arauan ezarritako gainerako erantzukizunak ere eskatuko dira. Izan ere, foru arau horretan arautzen da Foru Administrazioak emani-ko diru-laguntzen araubide juridiko orokorra.

#### **41. artikulua.— Diru-laguntzak justifikatzeko era**

Diru-laguntzak 9. artikuluan zehaztutako moduan justifikatu beharko dira 1. arloaren kasuan, eta 15. artikuluan zehaztutako moduan, 2. arloaren kasuan.

Zeharkako gastuei dagokienez, gastuok goren mugako izango dira, eta aintzat hartu-tako proiekturako jarritako langileen barruko gastuen %5ekoak izango dira; horrek hala behar du izan, Bizkaiko Foru Aldundiaren martxoaren 23ko 34/2010 Foru Dekretuaren 57.2.e) artikulua araberako —foru dekretu horrek diru-laguntzen araudia onartu zuen—.

Formula honen bidez, kostu erraztuen prozedura aukeratzeko betebeharra betetzen da; izan ere, betebehari hori ezarrita dago Europar Batasunaren 1303/2013 Erregelamenduaren 67 eta 68. artikuluetan eta 1304/2013 Erregelamenduaren 14. artikuluan. Halaber, formula honen bidez, 2015eko urtarrilaren 12ko Aginduaren 16. artikuluan eza-rritakoa betetzen da —agindu honek arautzen du zelan lortzen den Europako Gizarte Funtsearen finantzaketa-kidetzan—.

## VI. TITULUA

### DIRU-LAGUNTZAK ITZULTZEA ETA ARAU HAUSTE ADMINISTRATIBOAK

#### I. KAPITULUA

##### DIRU-LAGUNTZAK ITZULTZEA

#### **42. artikulua.— Ez-betetzeak**

Honako kasu hauetan, baldintzak ez direla bete ulertuko da: laguntzak jaso dituzten onuradunek Dekretu honetan, diru-laguntza emateko ebazpenean edo aplikatu beharre-ko gainerako arautegian ezarritako baldintzetako bat betetzen ez dutenean, bai eta Foru Administrazioak ematen dituen diru-laguntzen araubide juridiko orokorra ezartzen duen maiatzaren 31ko 5/2005 Foru Arauaren 33. artikuluan ezartzen diren kasuetan ere.

#### **43. artikulua.— Diru-laguntza onuradunak bere ekimenez itzultzea**

1. Borondatezko itzulketa da onuradunak berak, Administrazioaren inolako erreke-rimendurik gabe, egiten duena.

2. Borondatezko itzulketa egiten denean, Administrazioak dagozkion berandu-tze-interesak kalkulatuko ditu, maiatzaren 31ko 5/2005 Foru Arauaren 34. artikuluan ezarritakoaren arabera eta onuradunak itzulketa benetan egin duen unera arte.



3. Foru diru-laguntza onuradunak berak itzultzeko, Bizkaiko Foru Aldundiaren eredu ofizialaren arabera ordainketa-gutuna erabili behar du; gutun hori Ekonomi eta Lurralde Garapena Sustatzeko Sailean eskuratu ahal izango da (Orueta Apezpikua kalea, 6. Bilbo).

#### **44. artikulua.— Ez-betetzeak mailakatzeko irizpideak**

1. Aldi berean beste laguntza batzuk jasotzearen ondorioz gehiegizko finantziario gertatzen bada —maiatzaren 31ko 5/2005 Foru Arauaren 18.3. artikuluan jasotako kasua—, behar denaren gainetik jasotako kopurua itzuliko da (kopuru horri dagokion berandutze-interesa ezarriko zaio).

2. Emandako diru-laguntzaren zenbatekoa eskatzaileak aurkeztutako aurrekontu baten gaineko ehuneko bat aplikatuta lortzen denez, behin betiko kostu osoa hasierako aurrekontua baino txikiagoa bada, honako hau itzuli behar da: hasierako aurrekontuaren gaineko ehuneko hori aplikatuta lortutako kopuruari behin betiko kostua kentzearen ondorioz finantziario publikoan sortutako soberakina.

3. Baldintzetako bat edo batzuk ez betetzeak edo epearen barruan jardueraren zati bat bakarrik egiteak (betiere, zalantza barik egiaztatzen bada onuradunak konpromisoak betetzeko asmoa duela) diru-laguntzaren zati bat bakarrik ordaintzea ekarriko du edo, hala badagokio, diru-laguntzaren zati bat itzuli behar izatea. Itzulketa hori kalkulatzeko, jarduera osotik hartutako zatiaren proportzio bera erabiliko da.

Beaz, S.A.U., sozietateari badagokio funtsak banatzea eta justifikatutako gastua aurrekontuko gastua baino txikiagoa izateagatik itzultzeko espediente bat ebatzi bada, ebazpen hori onuradunari eta entitate laguntzaileari jakinaraziko zaie, azken entitate horrek geratutako funtsak itzul dituzan. Kasu horretan, ez da interesik aplikatuko.

42. artikulua kasuetan, onuradunak, hala badagokio, jaso dituen baina justifikatu ez dituen kopuruak eta haiei dagozkion berandutze-interesak itzuli beharko ditu.

4. Administrazioak eginiko egiaztapen edo finantza-kontrol baten ondorioz ikusten bada, eginiko gastuetako batzuk edo guztiak ordaindu gabe daudela, diru-laguntza jaso ondoren, eta hartzekodunek eskatzeko eskubidea dutela, itzulketa eskatuko da, proportzionaltasun-printzipioa aplikatuta. Kasu horretan, diru-laguntza jaso dezaketen egotzita-ko gastu guztietatik ordaindu gabeko gastuek osatzen duten proportzioaren arabera izango da diru-laguntzaren itzulketa.

## II. KAPITULUA

### ARAU-HAUSTE ADMINISTRATIBOAK DIRU-LAGUNTZEN ARLOAN

#### **45. artikulua.— Zehapen-prozedura**

Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren IV. tituluan ezarritakoa bete beharko da.

Euskal Autonomia Erkidegoko Herri Administrazioen zigortzeko ahalmenari buruzko otsailaren 20ko 2/1998 Legeak xedatutako zehapen-prozedura aplikatuko da.

## AMAIERAKO XEDAPENAK

#### **Lehena.— Arauen garapena**

Ekonomi eta lurralde garapena sustatzeko foru diputatuari ahalmena ematen zaio honako dekretu hau garatzeko beharrezkotzat jotzen dituen xedapen guztiak emateko, bai eta aurrekontuko diru-baliabideak amaitu ezean deialdi berriak egiteko eta subrogazio-eskabideak ebazteko ere.

#### **Bigarrena.— Aurrekontuko diru-hornidura**

Deialdi honetan eman daitezkeen diru-laguntzak beheko aurrekontuko partida eta diru-horniduren kontura emango dira. Guztira, lauehun mila euro (400.000,00 euro) dira, gutxi gorabehera; baina, kopuru hori alda daiteke, aurrekontuen arloan indarrean dauden araudiaren arabera.





1. arloko aurrekontua, guztira, berrehun eta berrogeita hamar mila euro (250.000,00 euro) da, honelaxe banatuta:

<i>Proiektu zenbakia: 2016/0032</i>	
<b>443.00/426.106/08/03</b>	
Ekitaldia	Zenbatekoa (€)
2018	51.500
2019	48.500
GUZTIRA	100.000

<i>Proiektu zenbakia: 2016/0032</i>	
<b>451.00/426.106/08/03</b>	
Ekitaldia	Zenbatekoa (€)
2018	118.438
2019	31.562
GUZTIRA	150.000

2. arloko aurrekontua, guztira, ehun eta berrogeita hamar euro (150.000,00 euro) da, honelaxe banatuta:

<i>Proiektu zenbakia: 2016/0032</i>	
<b>443.00/426.106/08/03</b>	
Ekitaldia	Zenbatekoa (€)
2018	70.000
GUZTIRA	70.000

<i>Proiektu zenbakia: 2016/0032</i>	
<b>451.00/426.106/08/03</b>	
Ekitaldia	Zenbatekoa (€)
2018	80.000
GUZTIRA	80.000

Aurrekontuei buruzko abenduaren 29ko 5/2006 Foru Dekretu arauemailen testu bate-gina onesten duen abenduaren 3ko 5/2013 Foru Dekretu arauemailearen 56. artikuluan xedatutakoaren arabera, foru dekretu hau aurretik izapidetzen da; beraz, diru-laguntzak emateko, beharrezkoa izango da kreditu egokia eta nahikoa egotea arlo bakoitzeko eskabideak ebazten direnean.

Aurrekontuetako partidari esleitutako kopuruak gutxi gorabeherakoak dira. Onartzen diren eskabideen arabera —persona eta entitate onuradunak zein diruz lagundutako gastuen kontzeptuak era askotako izaera juridikotakoak izan daitezkenez gero—, aurrekontuko partidei esleitutako baliabide ekonomikoak aurrekontuko kapitulu bereko beste partiden artean egokitu ahal izango dira eta jaurduera arlo bien artean; horretarako ez da beharrezkoa izango foru dekretu hau aldatzea.

Horrez gainera, eskabide guztiak ebatzi ondoren aurrekontuaren gehieneko mugara heltzen ez bada, sobera geratutako zenbatekoa gastatzeko baimena ezeztatu egingo da, eta horretarako ez da beharrezkoa izango foru dekretu hau aldatzea.



Bizkaiko Foru Aldundiaren maiatzaren 31ko 5/2005 Foru arauemailea garatzeko diru-laguntzen erregelamendua onesten duen martxoaren 23ko 34/2010 Foru Dekretuaren 41.2. artikuluan ezarritakoaren arabera, eskabideak aurkezteko epea amaitu baino lehen aldatu ahal izango dira aurrekontu-kredituak, Gobernu Kontseiluak onetsitako foru dekretu baten bidez, kontuan izanda zein den, aurreikuspenen arabera, eskatutako diru-laguntzen zenbateko osoa. Hala eginez gero, eskabideak aurkezteko epea luzatu beharko da.

Halaber, Bizkaiko Foru Aldundiaren martxoaren 23ko 34/2010 Foru Dekretuko 43. artikulua babesean (5/2005 Foru arauemailea garatzeko diru-laguntzen erregelamendua onesten du dekretu horrek), aurrekontuko zuzkiduren guztizko zenbatekoa areagotu ahal izango da, gehienez ere 600.000,00 euro gehituz, baldin eta eskuragarri dauden kredituak areagotu badira kreditua handitzea onartu delako edo kreditua sortu edo gehitu delako edo baldin eta kopuru osagarri bat badago aurreko deialdietan aurkeztutako eskaeren zenbatekoa aurrez ikusitakoa baino txikiagoa izan delako; kasu horietan, kreditu osagarri hori soilik izango da eraginkorra baldin eta kreditu horren erabilgarritasuna adierazita badago. Adierazpen hori diru-laguntza emateko ebazpena eman aurretik egin beharko da. Organo eskudunak baimenduko du kopuru handitze hori.

**Hirugarrena. — Indarrean jartzea**

Bizkaiko Aldizkari Ofizialean argitaratu eta hurrengo egunean jarriko da indarrean foru dekretu hau.

Bilbon, 2018ko urtarrilaren 16an.

Ekonomi eta Lurralde Garapena  
Sustatzeko foru diputatua  
IMANOL PRADALES GIL

Ahaldun Nagusia  
UNAI REMENTERIA MAIZ